



Broj: 01-02-431/10
Sarajevo, 30.6.2010. godine

Na osnovu odredabi člana 13. stav 2. alineja 9. Zakona o principima lokalne samouprave u Federaciji BiH („Službene novine Federacije BiH“, broj 49/06) i člana 18. stav 1. tačka 16. Statuta Općine Novo Sarajevo –prečišćeni tekst («Službene novine Kantona Sarajevo», broj 12/06,14/08 i 25/08), na prijedlog Komisije za odnose sa mjesnim zajednicama, zaštitu čovjekove okoline, spomen obilježja i javna priznanja, Općinsko vijeće Novo Sarajevo na 20. sjednici održanoj 30.6.2010. godine donijelo je

INICIJATIVU **o izmjeni naziva dijela Novopazarske ulice**

I

Predlaže se, na području općine Novo Sarajevo, izmjena naziva dijela Novopazarske ulice i to:

1. Ulica Novopazarska do broja 52, 58, 72a i do broja 72ž, u novi naziv „ulica Šanac“.

II

O realizaciji ove Inicijative starat će se Komisija za spomen obilježavanje historijskih događaja i ličnosti Skupštine Kantona Sarajevo.

DOSTAVITI:

1. Komisiji za spomen obilježavanje historijskih događaja i ličnosti Skupštine Kantona Sarajevo,
2. Načelniku općine,
3. Dokumentaciji,
4. Arhivi.

PREDSJEDAVAJUĆI

Općinskog vijeća Novo Sarajevo
Nebojša Simić

Obrazloženje

Pravni osnov za donošenje ove Inicijative sadržan je u odredabi člana 13. stav 2. alineja 9. Zakona o principima lokalne samouprave u Federaciji BiH („Službene novine Federacije BiH“, broj 49/06) i člana 18. stav 1. tačka 16. Statuta Općine Novo Sarajevo –prečišćeni tekst («Službene novine Kantona Sarajevo», broj 12/06, 14/08 i 25/08).

Općinskom vijeću Novo Sarajevo dostavljena je inicijativa Zbora građana Mjesne zajednice “Vraca” koja se odnosi na promjenu naziva Novopazarske ulice do broja 52, 58, 72a i 72ž.

Inicijativa sadrži 5% potpisa građana upisanih u birački spisak Mjesne zajednice “Vraca” sa jasnim imenom i prezimenom, JMB i brojem lične karte, (ukupno 332 građana) što je u skladu sa odredbama člana 87. Statuta općine Novo Sarajevo (“Službene novine Kantona Sarajevo” broj 12/06) i člana 32. i 39. Pravila mjesne zajednice (“Službene novine Kantona Sarajevo, broj 19/05)

U navedenom dijelu Novopazarske ulice ima preko 138 privatnih kuća koje nemaju kućne brojeve, a po nazivu Novopazarska ulica broj do broja teško je bilo koga naći.

Niti jedan objekat nije numerisan, jer se radi o naselju koje je izgrađeno nakon rata.

Komisija je po navedenoj inicijativi pribavila mišljenje Službe za stambene i komunalne poslove, poslove obnove, razvoja i zaštite okoliša, kojim podržava navedenu inicijativu.

Kako je nekoga u ovome naselju teško pronaći, kola hitne medicinske pomoći često lutaju, dostavljači pošte se jako teško snalaze, kao i sve ostale institucije koje trebaju nešto uraditi na tom području. Komisija predlaže Vijeću da donese Inicijativu o izmjeni dijela Novopazarske ulice.